

01 拌拌咧

蔡馨慧

金曲獎的頒獎典禮，予我知影這位臺灣台語歌后——李竺苾，伊的〈拌拌咧〉這塊歌，予我想著囡仔時代的記持。「若是跋倒矣，就共伊當做迺迺」這句歌詞，就親像彼年阿舅共我講的話。

每一冬歇熱，阿母攞會煮我轉去苗栗通霄的外媽遐蹠，予我佻表小弟、表小妹做伙迺迺。有遐爾濟囡仔伴，逐工都足心適。雖罔轉去庄跤真歡喜，不而過逐擺欲佻個出門的時，我干焦會當佇後壁咧逐個。自細漢我就真預顛，阮這陣囡仔獨獨我一个袂曉騎鐵馬，所以定定綴袂著陣。阿舅看我按呢，感覺真毋甘，堅心欲教我騎鐵馬。

彼工透早，阿舅牽一台鐵馬，煮我來到巷仔口，遐有一條足闊、足長的打馬膠路。寢開始我足驚惶，阿舅佇我後壁，叫我免驚，寬寬仔騎，愛勇敢共 lap 落去。我大聲喝：「阿舅，你一定愛共我扞咧喔！」我緊張甲規身軀大粒汗、細粒汗。騎無佻久，我越頭一下看，「阿……阿舅咧？」看著阿舅已經放手，害我掣一趔，隨躡佇塗跤。阿舅遠遠倚佇遐看我，那笑那對我比指頭拇公，閣共我講：「跋倒的時陣，毋通隨倚起來，先看塗跤有璇石通祛無？」阿舅真愛佻我滾耍笑，竟然毋是先關心我有要緊無。就按呢一改

閣一改跋倒、一改閣一改練習，我總算學會曉騎鐵馬矣，毋但會當和表小弟、表小妹同齊騎去海水浴場耍水，閣會使騎去虎頭山有樹蔭的所在歇涼、覲相揣。騎鐵馬遮的畫面，就成做阮細漢的時陣和囡仔伴鬥陣的心適代。

人生的路若像咧學騎鐵馬，設使拄著無順序的代誌，嘛是真四常，親像細漢的時陣全款，拌拌咧，免驚。「靠人攞是假，跋倒家己跔。」阿舅教我的，不止是騎車，嘛是做人的道理。

這馬大漢矣，我已經會曉騎鐵馬四界蹠蹠、蹠蹠咧，我真佻意那騎那唱歌，自由閣自在。想起囡仔時代的往事，實在誠趣味。

「拌拌咧，拌拌咧，無啥代。」這條歌，我欲送予天頂的阿舅，希望你嘛聽會著，阿舅你教我的一點一拄佻人生的智慧是我永遠數念的記持！

02 烏閣甜閣環保的葡萄

李育如

逐家知影桃園有「埔心」這個所在，按呢恁敢知阮彰化嘛有埔心？埔心庄雖罔無大都市遐爾仔鬧熱，煞有食著會數念的農產品——埔心三蜜！三蜜到底是佗三項特產咧？彼就是阮上驕傲的果子：巨峰葡萄、寶島蜜菝仔、金蜜樣仔。市面的葡萄，兩葩就有一葩是阮埔心生產的，阮遮的葡萄攞買予大盤，有時隨出產就予人注文了了，可見有佻衝。有一工你若來遮，千萬毋通空手轉去。

細漢的時，我會去阿公的葡萄園鬥相共，攞會坐「台仔車」巡園。佇園裡迴迴的時，若看著有露螺，就會掠來耍。大漢才知影，露螺若趕去園裡，會咬葡萄樣的根，害規樣葡萄藤焦去。阿公常在吐大氣講：「露螺比蟲閣較恐怖。」

往過著愛噴藥仔才會當共露螺剷死，後來阿爸揣著上新的方法，阮就毋免驚矣！這種祕密武器就是雞仔小妹、鴨仔大兄、佻鵝仔姊——規陣「免錢的辛勞」。雞仔小妹會食草蜢仔、雞母蟲，會共遮的蟲豸逐甲走敢若飛；鴨大兄愛食臭臊，上愛食露螺，會躡入去草仔內底揣，一直叨，共露螺食甲清清氣氣；鵝大姊上奢颺，專門食草霸王，彼號草澍藥仔攞無效，作穡人會氣甲趑趄頓蹄，伊煞食甲真歡喜，喙攞叨袂停。上厲害的是伊的耳仔誠利，真勢顧厝，

若有人入來葡萄園，伊就會大聲共警告，像保全遐猛醒。阿公笑講：「個攞是免費的員工，會做工課、會陪罔仔耍，飼夠水閣會當做牲醴，真正有夠本！」

現此時有菇場逐工生產幾若萬包的「太空包塗」，發酵了後成做農業資材，保水閣保溫，就像焐燒包會當提來顧葡萄樣的根，寒人袂凍著，熱人嘛袂乏水，閣會當防蟲、改良塗質。共原本欲擲捫揀的糞埽，轉做作穡人的寶貝。

農民有環保的智慧，閣會當出產烏閣甜的葡萄，可見作田嘛愛用頭殼。我這馬知影一粒一粒的葡萄，攞倚靠阿媽的智慧、阿公的手、佻阿爸、阿母的汗，阮埔心人同齊拍拚，才有這號好滋味。

03 辦一个婿夢

張苡薰

「各位好朋友逐家勢早，逐家好，食飽無煩惱，我是今仔日的主持人——阿薰。」

會當倚佇台仔頂用端的、滑溜、繼拍、好聽閣袂跳針的臺灣台語恰台仔跤烏 khâm-khâm 的觀眾請安、相借問，已經成做我的註冊商標。定定有同窗的問我：「是按怎有才調倚佇台仔頂，閣會當遐爾大範在膽咧？」講來話頭長，這種功力當然毋是三兩下手就做有路來的。無講你毋知，舊年三月，我才有學習做主持人的機會。會記得學期拊開始無幾工，阮導的雄雄問我：「學校校慶的暗會，欲揣一个會曉講臺灣台語的主持人，你欲試看覓咧無？」

講臺灣台語無問題，做主持人我敢有才調？我個性遮爾閉思，敢有法度佇台頂講甲喙角專泡？毋過未來有機會通坐佇主播台報臺灣台語新聞是我上大的向望。恰我褲帶結相黏的好朋友嘛共我鼓勵：「閣有幾個月的時間通好練，練久就會熟手。」好啦！恰伊拊啦！就按呢共這個無可能的任務允落來。

拊開始我先去網路揣『YouTube』的影片來參考，看人是按怎主持暗會的，閣不時共厝內序大人掠來做觀眾，練予個看，請個予我意見。我真綿爛，對鏡練喙水、練表

情，一切攏是為著欲佇暗會有精彩的表現。

不而過代誌毋是戇人所想的遐爾簡單，咬字發音、內容鋪排、恰觀眾互動愛趣味……遮的鉅角就親像走馬燈，不時佇頭殼內轉漙。過程中，想欲激五仁煞一點仔都無好笑，稿按怎背就是記袂牢，肢體語言硬迸迸，面仔看著無自然閣懊嘟嘟，就準講拊勢練，猶原捎無搥頭，看袂著效果。是講，我知影袂使失志、袂當放棄，所以喙齒根咬咧，我愛堅持到底。

暗會彼暝，嘛是我頭一擺擲 mòi-khù¹，緊張甲手必必掣、心肝頭嘖嘖淌，清汗閣直直拊。毋過因為有一擺閣一擺的練習，我愈講愈順，現場的氣氛嘛真鬧熱呢。台仔跤的同學、老師、家長恰來賓攏呵佬甲。

人講：「有夢上婿，希望相隨。」骨力、認真就會出頭天。我成功踏出頭一步，未來的路我會繼續拍拊。

¹閣唸做 mòi-kù